



Broj: 05-50-1-1215/14  
Sarajevo, 30.6.2014. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMALJENO: 01-07-2014			
Organizaciona jedinica	Klasifikaciona oznaka	Redni broj	Broj prijema
01-50-1		15-65/14	

**PARLAMENTARNA SKUPŠTINA BiH**

**- Zastupnički dom -**

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 102. sjednici održanoj 25.6.2014. godine, utvrdilo je Odgovor na zastupnička pitanja koja je postavila Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupnici.

S poštovanjem,

  
**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-07-1-1215/14  
Sarajevo, 25.6.2014. godine

Dužanka Majkić, poslanica u Predstavničkom domu Parlamentarne skupštine Bosne i Hercegovine, na 65. sjednici Predstavničkog doma održanoj 15. aprila 2014. godine, postavila je sljedeća poslanička pitanja:

1. „Na osnovu kojeg pravnog propisa je ministar odbrane donio odluku da vojnici, oficiri i podoficiri u Oružanim snagama BiH iz Republike Srpske moraju raditi na Veliki petak i Vaskršnji ponedjeljak?“
2. „Zašto je ministar odbrane donio odluku samostalno, bez konsultacije sa zamjenikom ministra odbrane iz reda srpskog naroda?“
3. „Zašto ministar odbrane u ovom slučaju nije primijenio Odluku o načinu i postupku ostvarivanja prava na naknadu za rad u neradne dane, noćni rad i rad u dane državnih praznika u institucijama BiH od 29.12.2008. godine, koju je donio Savjet ministara na 71. sjednici? (primjena Zakona o praznicima entiteta do donošenja Zakona o praznicima BiH).“

Na postavljena pitanja, Vijeće ministara Bosne i Hercegovine je na 102. sjednici održanoj 25. 6. 2014. godine, utvrdilo sljedeći

**ODGOVOR**

1. Ministar odbrane nije donio odluku kojom se uređuje da vojnici, podoficiri i oficiri Oružanih snaga BiH iz Republike Srpske moraju raditi na Veliki petak i Vaskršnji ponedjeljak. Ministar odbrane je donio odluku, broj: 01-38-1515/14 od 09.04.2014. godine, kojom se pravoslavnim vjernicima u Ministarstvu odbrane BiH i Oružanim snagama BiH odobrava odsustvo sa posla radi obilježavanja Velikog Petka i Vaskrsa.

Radi regulisanja načina obilježavanja značajnih datuma u vjerskom kalendaru u Ministarstvu odbrane BiH i Oružanim snagama BiH, do donošenja jedinstvenih zakonskih rješenja na nivou BiH po navedenom pitanju, ministar odbrane je donio i Odluku o obilježavanju značajnih datuma u vjerskim kalendarima u Ministarstvu odbrane BiH i Oružanim snagama BiH, broj: 06-38-4691/13 od 31.12.2013. godine. Ova Odluka donešena je na osnovu Zakona o odbrani BiH („Službeni glasnik BiH“, br. 88/05), Zakona o službi u Oružanim snagama BiH („Službeni glasnik BiH“, br. 88/05, 53/07, 59/09, 74/10 i 42/12), Zakona o radu u institucijama BiH („Službeni glasnik BiH“, br. 26/04, 7/05, 48/05, 60/10 i 32/13), Pravilnika o vojnim svečanostima i počastima u Ministarstvu odbrane BiH i Oružanim snagama BiH, broj: 04-02-4050/06 od 28.07.2007. godine i Pravilnika o utvrđivanju načina i kriterija za korištenje godišnjeg odmora i odsustva profesionalnih vojnih lica na službi u Oružanim snagama BiH, broj: 04-02-4056/06 od 28.07.2007. godine.

Članom 2. navedene Odluke utvrđeno je da pripadnici Ministarstva odbrane BiH i Oružanih snaga BiH mogu koristiti plaćeno odsustvo u trajanju od 2 radna dana u toku kalendarske godine za potrebe obilježavanja značajnih datuma u vjerskom kalendaru po sopstvenom izboru. Članom 3. iste Odluke utvrđeno je da pripadnici Ministarstva odbrane BiH i Oružanih snaga BiH mogu odsustvovati sa posla radi obilježavanja značajnih datuma u vjerskom kalendaru još 4 radna dana u toku kalendarske godine u statusu neplaćenog odsustva.

Odredbe navedenih članova Odluke preuzete su iz člana 30. tačka 3. Zakona o radu u institucijama BiH ("Službeni glasnik BiH", br. 26/04, 7/05, 48/05, 60/10 i 32/13) i člana 57. stav (3) Zakona o službi u Oružanim snagama BiH („Službeni glasnik BiH“, br. 88/05, 53/07, 59/09, 74/10 i 42/12), prema kojima je poslodavac dužan omogućiti zaposleniku odsustvo do 6 radnih dana u jednoj kalendarskoj godini, odnosno profesionalno vojno lice može odustvovati sa posla 4 radna dana radi zadovoljavanja vjerskih odnosno tradicijskih ili drugih potreba, s tim da se odsustvo od 2 dana koristi uz naknadu plate - plaćeno odsustvo.

Individualno pravo svakog pripadnika Ministarstva odbrane BiH i Oružanih snaga BiH je da odredi koja će 2 dana koristiti kao plaćeno odsustvo radi zadovoljavanja vjerskih, odnosno tradicijskih ili drugih potreba.

2. Ministar odbrane rukovodi Ministarstvom odbrane BiH i odgovoran je za njegovo zakonito funkcionisanje. U obavljanju poslova iz nadležnosti ministar odbrane konsultuje svoje zamjenike u skladu sa njihovim zakonskim i funkcionalnim nadležnostima, kao i po svim drugim pitanjima. Slučajevi u kojima u konsultacijama nije moguće postići usaglašenost stavova ministra i zamjenika ministra odbrane ne isključuju obavezu ministra da osigura zakonito funkcionisanje i obavljanje poslova iz naležnosti Ministarstva odbrane BiH.

Odluka o obilježavanju značajnih datuma u vjerskim kalendarima u Ministarstvu odbrane BiH i Oružanim snagama BiH, broj: 06-38-4691/13 od 31.12.2013. godine, donešena je na osnovu zakona i istom je svim pripadnicima Ministarstva odbrane BiH i Oružanih snaga BiH, bez obzira na vjeroispovijest, omogućeno odsustvo sa posla na identičan i zakonom utvrđen način radi zadovoljavanja vjerskih, tradicijskih ili drugih potreba.

3. Članom 3. stav (1) Odluke Vijeća ministara BiH o načinu i postupku ostvarivanja prava na naknadu za prekovremeni rad, rad u neradne dane, noćni rad i rad u dane državnih praznika u institucijama BiH, broj: 234/08 od 29.12.2008. godine, utvrđeno je da se pod neradnim danima smatraju dani vjerskih praznika za koje uposleni imaju pravo na plaćeno odsustvo u skladu sa Zakonom o radu u institucijama BiH.

Imajući u vidu da je odsustvo sa posla zaposlenih u institucijama BiH radi zadovoljavanja vjerskih potreba regulisano Zakonom o radu u institucijama BiH, na pripadnike Ministarstva odbrane BiH i Oružanih snaga BiH koji su odsustvovali sa posla po osnovu Vaskršnjih praznika, kao i na ostale pripadnike koji odsustvuju sa posla po osnovu vjerskih praznika, primjenjuje se navedena Odluka Vijeća ministara BiH u smislu da se vjerski praznici smatraju neradnim danima a ne državnim praznicima.